


周禮鄭注

冊六



周禮目錄

卷一

天官冢宰第一

經一條

冢宰治官之屬

大宰至夏采凡六十三

卷二

冢宰治官之職

大宰

卷三

冢宰治官之職

小宰

宰夫

宮正

宮伯

卷四

冢宰治官之職

膳夫

庖人

內饗

外饗

亨人

甸師

獸人

廋人

鼈人

腊人

卷五

冢宰治官之職

醫師

食醫

疾醫

瘍醫

獸醫

酒正

酒人

漿人

凌人

籩人

卷六

冢宰治官之職

醢人

醢人

鹽人

冢人

宮人

掌舍

幕人

掌次

大府

玉府

內府

外府



司會

卷七

冢宰治官之職

司書

職內

職歲

職幣

司裘

掌皮

內宰

內小臣

閹人

寺人

內豎

九嬪

卷八

冢宰治官之職

世婦

女御

女祝

女史

典婦功

典絲

典臬

內司服

縫人

染人

追師

屨人

夏采

卷九

地官司徒第二

經一條

司徒教官之屬

大司徒至橐人凡七十九

卷十

司徒教官之職

大司徒

卷十一

司徒教官之職

小司徒

鄉師

卷十二

司徒教官之職

鄉大夫

鄉老

附

州長

黨正

族師

閭胥

比長

封人

鼓人

舞師

卷十三

司徒教官之職

牧人

牛人

充人

載師

閭師

縣師

遺人

卷十四

司徒教官之職

均人

師氏

保氏

司諫

司救

調人

媒氏

司市

卷十五

司徒教官之職

質人

廛人

胥師

賈師

司虺

司稽

胥

肆長

泉府

司門

司關

掌節

遂人

遂師

遂大夫

縣正

鄙師

鄼長

里宰

鄰長

卷十六

司徒教官之職

旅師

稍人

委人

土均

草人

稻人

土訓

誦訓

山虞

林衡

川衡

澤虞

迹人

𠂔人

角人

羽人

掌葛

掌染草

掌炭

掌荼

掌蜃

圉人

場人

廩人

舍人

倉人

司祿

司稼

舂人

饌人

藁人

卷十七

春官宗伯第三

經一條

宗伯禮官之屬

大宗伯至家宗人凡六十九

卷十八

宗伯禮官之職

大宗伯

卷十九

宗伯禮官之職

小宗伯

肆師

鬱人

鬯人

卷二十

宗伯禮官之職

雞人

司尊彝

司几筵

天府

典瑞

卷二十一

宗伯禮官之職

典命

司服

典祀



守祧

世婦

內宗

外宗

卷二十二

宗伯禮官之職

冢人

墓大夫

職喪

大司樂

卷二十三

宗伯禮官之職

樂師

大胥

小胥

大師

小師

瞽矇

眡瞭

典同

卷二十四

宗伯禮官之職

磬師

鐘師

笙師

搏師

鞀師

旄人

籥師

籥章

鞀鞀氏

典庸器

司干

大卜

卜師

龜人

菴氏

占人

筮人

卷二十五

宗伯禮官之職

占夢

眡禋

大祝

小祝

卷二十六

宗伯禮官之職

喪祝

甸祝

詛祝

司巫

男巫

女巫

大史

小史

馮相氏

保章氏

內史

外史

卷二十七

宗伯禮官之職

御史

巾車

典路

車僕

司常

都宗人

家宗人

卷二十八

夏官司馬第四

經一條

司馬政官之屬

大司馬至家司馬凡七十

卷二十九

司馬政官之職

大司馬

卷三十

司馬政官之職

小司馬

軍司馬

輿司馬

行司馬

司勳

馬質

量人

小子

羊人

司燿

掌固

司險

掌疆

候人

環人

挈壺氏

射人

服不氏

射鳥氏

羅氏

掌畜

卷三十一

司馬政官之職

司士

諸子

司右

虎賁氏

旅賁氏

節服氏

方相氏

大僕

小臣

祭僕

御僕

隸僕

卷三十二

司馬政官之職

弁師

司甲

司兵

司戈盾

司弓矢

繕人

橐人

戎右

齊右

道右

大馭

戎僕

齊僕

道僕

田僕

馭夫

卷三十三

司馬政官之職

校人

趣馬

巫馬

牧師

廋人

圉師

圉人

職方氏

土方氏

懷方氏

合方氏

訓方氏

形方氏

山師

川師

籛師

匡人

撝人

都司馬

家司馬

卷三十四

秋官司寇第五

經一條

司寇刑官之屬

大司寇至家士凡六十六

司寇刑官之職

大司寇

卷三十五



司寇刑官之職

小司寇

士師

鄉士

遂士

縣士

方士

訝士

朝士

司民

卷三十六

司寇刑官之職

司刑

司刺

司約

司盟

職金

司厲

犬人

司圜

掌囚

掌戮

司隸

罪隸

蠻隸

閩隸

夷隸

貉隸

布憲

禁殺戮

禁暴氏

野廬氏

蜡氏

雍氏

萍氏

司寤氏

司烜氏

卷三十七

司寇刑官之職

條狼氏

修閭氏

冥氏

庶氏

穴氏

翬氏

柞氏

薙氏

誓族氏

翦氏

赤发氏

蠲氏

壺涿氏

庭氏

銜枚氏

伊耆氏

大行人

小行人

卷三十八

司寇刑官之職

司儀

行夫

環人

象胥

掌客

掌訝

掌交

掌察

掌貨賄

朝大夫

都則

都士

家士

卷三十九

冬官考工記第六

經一條

考工記之職

輪人至弓人凡三十

輪人

輿人

卷四十

考工記之職

輶人

築氏

冶氏

桃氏

鳧氏

栗氏

段氏

函人

鮑人

鞞人

韋氏

裘氏

畫績

鍾氏

筐人

幌氏

卷四十一

考工記之職

玉人

櫛人

雕人

磬氏

矢人

陶人

旃人

梓人

廬人

匠人

卷四十二

考工記之職

匠人

車人

弓人

周禮目錄

周禮卷三十

漢大司農北

明後學東吳

司馬政官之職

**小司馬**之職掌

此下字脫滅札爛文闕漢興  
求之不得遂無識其數者

凡小祭祀會同饗射師田喪紀掌其事如大司馬之  
灋

**軍司馬**

闕

**輿司馬**

闕

行司馬

闕

司勳掌六鄉賞地之灋以等其功。

賞地，賞田也。在遠郊之內，屬六鄉焉。等，猶差也。以功大小爲差。

王功曰勳。

輔成王業，若周公。

國功曰功。

保全國家，若伊尹。

民功曰庸。

法施於民，若后稷。

事功曰勞。



以勞定國若禹

治功曰力。

○制法成治若咎繇  
○咎音羔繇音遙

戰功曰多。

尅敵出奇若韓信陳平  
司馬法曰上多前虜

凡有功者銘書于王之太常祭于大烝司勳詔之。

銘之言名也。生則書于王旌以識其人與其功也。死則於烝先王祭之。詔謂告其神以辭也。盤庚告其卿大夫曰。茲予大享于先王。爾祖其從與享之。是也。今漢祭功臣於廟庭。○識音志與音預。

大功司勳藏其貳。

又貳猶副也。功書藏于天府。副於此者以其主賞。

掌賞地之政令。

政令謂  
役賦

凡賞無常。輕重眈功。

無常者功之  
大小不可豫

凡頒賞地。參之一食。

鄭司農云。不以美田爲采邑。玄謂賞地之  
稅。參分司稅。王食其一也。二全入於臣。

惟加田無國正。

加田。既賞之。又加賜以田。所以厚恩也。鄭司農云。  
正。謂稅也。祿田亦有給公家之賦。貢若今時侯國。

有司農少府錢穀矣。獨加賞之。  
田無正耳。○正音征。少詩照反。

**馬質**。掌質馬。馬量三物。一曰戎馬。二曰田馬。三曰騫。

馬皆有物賈。

此三馬賈以給官府之使無種也。鄭司農曰：皆有物賈，皆有物色及賈直。○賈音稼。

綱惡馬。

鄭司農云：綱，讀爲以充其維之充。書亦或爲亢。亢，御也。禁也。禁去惡馬不畜也。玄謂綱以縻索維綱，狎習之。○去起呂反。

凡受馬于有司者，書其齒毛。與其賈。馬死則旬之內更旬之外，入馬耳。以其物更其外否。

鄭司農云：更，謂償也。玄謂旬之內死者，償以齒毛。與賈受之日，踐養之惡也。旬之外死者，入馬耳。償以毛色。不以齒賈。任之過其任也。其外否者，旬之外踰二十日而死，不任用者，罪。○更音庚。

馬及行，則以任齊其行。

識其所載輕重及道里  
齊其勞逸乃復用之

若有馬訟則聽之

訟謂賣買  
之言相負

禁原蠶者

原再也天文辰爲馬蠶書蠶爲龍精月直大火則  
浴其種是蠶與馬同氣物莫能兩大禁再蠶者爲

傷馬與○爲  
傷于僞反

量人掌建國之灋以分國爲九州營國城郭營后宮  
量市朝道巷門渠造都邑亦如之

建立也立國有舊法式若匠人職云分國定天下  
之國分也后君也言君容王與諸侯○朝直遙反

國分扶  
問反

營軍之壘舍量其市朝州涂軍社之所里

軍壁曰壘鄭司農云量其市朝州涂還市朝而爲道也玄謂州一州之衆二千五百人爲師每師一

處市也朝也州也皆有道以相之軍社社主在軍者里居也○涂本又作塗

邦國之地與天下之涂數皆書而藏之

書地謂方圓山川之廣狹書涂謂支湊之遠近

凡祭祀饗賓制其從獻脯燔之數量

鄭司農云從獻者肉穀從酒也玄謂燔從于獻酒之肉炙也數多少也量長短也○炙章夜反

掌喪祭奠竈之俎實

竈亦有俎實謂所包遺奠士喪禮下篇曰藏苞笱於旁○竈昌絹反笱所交反

凡宰祭與鬱人受學歷而皆飲之

言宰祭者。冢宰佐王祭。亦容攝祭。鄭司農云。罕讀如嫁娶之嫁。罕器名。明堂位曰。爵夏后氏以琖。殷

以罕。周以爵。玄謂罕讀如蝦尸之蝦。罕反。罕古雅反。琖側產反。蝦古雅反。宰

**小子掌祭祀羞羊肆羊殽肉豆**

鄭司農云。羞進也。羊肆。體薦全烝也。羊殽。體解節折也。肉豆者。切肉也。玄謂肆讀為鬻。羊鬻者。所謂

豚解也。鬻他歷反。一音餘。四反。

**而掌珥于社稷。祈于五祀。**

故書祀作禩。鄭司農云。禩讀為祀。書亦為禩。珥社稷以牲頭祭也。玄謂珥讀為珥。祈或為禱。禱

者。釁禮之事也。用毛牲曰禱。羽牲曰珥。珥或作禱。五祀謂始成其宮兆時也。春官肆師職。祈或作禱。

秋官士師職曰。凡禱。則奉犬牲。此禱。正字與。○珥而志反。祈音機。禩音祀。禱音機。正

**凡沈辜侯禳飾其牲。**

牲鄭司農云沈謂祭川爾雅曰祭川曰浮沈辜謂磔  
四時惡氣禳去之也○  
禳如羊反磔陟格反○

### 釁邦器及軍器

邦器謂禮樂之器及祭器之屬雜記曰凡宗廟之器其名者成則釁之以稷豚○稷音家

### 凡師田斬牲以左右狗陳

示犯誓必殺之

### 祭祀贊羞受徹焉

### 羊人掌羊牲凡祭祀飾羔

羔小羊也詩曰四之日其蚤獻羔祭韭

### 祭祀割羊牲登其首

登升也升首報  
陽也升首于室

凡祈珥共其羊牲

共猶  
給也

賓客共其灋羊

灋羊殄麥積膳之羊○  
殄麥本又作食饗音食

凡沈辜侯禴釁積共其羊牲

積故書為毗鄭司農云毗讀為漬謂釁國寶漬軍  
器也玄謂積積積柴裡祀樞燎實柴○毗徐賜反與

漬同樞  
羊久反

若牧人無牲則受布于司馬使其賈買牲而共之

布泉○  
賈音古



司燿掌行火之政令。四時變國火以救時疾。

行猶用也。變猶易也。鄭司農說以鄴子曰春取榆柳之火。夏取棗杏之火。季夏取桑柘之火。秋取柞櫛之火。冬取槐檀之火。○櫛羊久反。

季春出火。民咸從之。季秋內火。民亦如之。

火所以用陶冶。民隨國而爲之。鄭人鑄刑書。火星未出。而出火。後有災。鄭司農云。以三月本時昏。心星見于辰上。使民內火。故春秋傳曰。九月本黃昏。心星伏在戌上。使民內火。故春秋傳曰。以出內火。○見賢遍反。

時則施火令。

焚萊之時。

凡祭祀則祭燿。

報其爲明之功。禮如祭。燿。

凡國失火野焚萊則有刑罰焉。

野焚萊民擅放火。

〔掌固〕掌修城郭溝池樹渠之固。頒其士庶子及其衆。

庶之守。

樹謂枳棘之屬有刺者也。衆庶民。守固者也。鄭司農說樹以國語曰城守之木於是乎用之。○枳

居氏反。遷待禮反。

設其飾器。

兵甲之屬。今城郭門之器亦然。

分其財用。均其稍食。

財用國以財所給守吏之用也。稍食祿廩。

任其萬民。用其材器。

任謂以其任使之也。民之材器其  
所用塹築及爲藩落。○塹七豔反。

凡守者受灋焉。以通守政。有移甲與其役財用。唯是  
得通。與國有司帥之。以贊其不足者。

凡守者。士庶子及他要害之守吏。通守政者。兵甲  
役財難易多少。轉移相給也。其他非是。不得妄離  
部署。國有司。掌固也。其移之者。又與掌固帥致之。  
贊。佐也。○凡守收。又反。下有守者。同。易以鼓。反。離。

力智  
反

晝三巡之。夜亦如之。

巡。行也。行守者。爲衆庶之解惰。○反  
下。孟反。下皆同。爲于僞反。解佳。賣反。

夜三鑿以號戒。

杜子春云讀鑿爲造次之造謂擊鼓行夜戒守也春秋傳所謂賓將趣者與趣與造音相近故曰終

夕與燎玄謂鑿擊鑿警守鼓也三巡之間又三擊鑿○鑿音戚造七報反趣莊久反與燎音預

若造都邑則治其固與其守灋

都邑亦爲城郭

凡國都之竟有溝樹之固郊亦如之

竟界也○竟音境

民皆有職焉

職謂守與任

若有山川則因之

山川若穀臯河漢

司險掌九州之圖。以周知其山林川澤之阻。而達其道路。

周猶徧也。達道路者。山林之阻。則開鑿之。川澤之阻。則橋梁之。

設國之五溝五涂。而樹之林。以爲阻固。皆有守禁。而達其道路。

五溝。遂溝。洫。澮。川也。五涂。徑。畛。涂。道路也。樹之林。作藩落也。○洫。況。涂。域。反。澮。古。外。反。

國有故。則藩塞阻路。而止行者。以其屬守之。唯有節者。達之。

有故。喪災及兵也。閉絕要害之道。備姦寇也。

掌疆關

**候人**各掌其方之道治與其禁令以設候人

道治治道也國語曰候不在竟譏不居其方也禁令備姦寇也以設候人者選士卒以爲之詩云彼候人兮何戈與祲○何胡我反祲都外反○

若有方治則帥而致于朝及歸送之于竟

方治其方來治國事者也春秋傳曰晉欒盈過周王使候人出諸轅轅是其送之○朝直遙反轅戶反關

**輿人**掌致御

致師者致其必戰之志古者將戰先使勇力之士犯敵焉春秋傳曰楚許伯御樂伯攝叔爲右以致曰晉師許伯曰吾聞致師者御靡旌摩壘而還樂伯曰吾聞致師者左射以蔽代御執轡御下攝馬掉鞅而還攝叔曰吾聞致師者右入壘折馘執俘而還皆行其所聞而復之○蔽側留反攝音兩馘古

獲反倅  
音孚

察軍慝。

慝陰姦也。視軍中  
有爲慝者則執之。

環四方之故。

卻其以事謀來侵伐  
者所謂折衝禦侮。

巡邦國搏諜賊。

諜賊反間爲國賊  
○間間廁之間。

訟敵國。

敵國兵來則往與之訟  
曲直若齊國佐如師。

揚軍旅。

爲之威武以觀敵揚詩云  
維師尚父時維鷹揚

### 降圍邑

圍邑欲降者受而降之春秋傳曰  
齊人降鄆○降戶江反鄆音章

**挈壺氏** 掌挈壺以令軍井 挈轡以令舍 挈畚以令糧

鄭司農云挈壺以令軍井謂爲軍穿井井成挈壺  
縣其上令軍中士衆皆望見知此下有井壺所以  
盛飲故以壺表井挈轡以令舍亦縣轡于所當舍  
止之處使軍望見知當舍止于此轡所以駕舍故  
以轡表舍挈畚以令糧亦縣畚于所當稟假之處  
令軍望見知當稟假于此也畚所以盛糧之器  
故以畚表稟軍中人多車騎雜會謹翼號令不能  
相聞故各以其物爲表省煩趨疾于事便也○畚  
音本爲于僞反盛音成下同稟彼錦反  
同令力呈反沃同縣音玄下皆

凡軍事縣壺以序聚橐凡喪縣壺以代哭者皆以水



火守之分以日夜。

鄭司農云。縣壺以爲漏。以序聚。椽以次更聚。擊椽備守也。玄謂擊椽。兩木相敲。行夜時也。代亦更也。禮未大。斂代。哭以水守。壺者。爲沃漏也。以火守。壺者。夜則火。視刻數也。分以日夜者。異晝夜漏也。漏之箭。晝夜共百刻。冬夏之間。有長短焉。大史立成法。有四十八箭。○椽音託。更音戾。行下孟反。共如字。

及冬。則以火爨鼎水而沸之。而沃之。

鄭司農云。冬水凍。漏不下。故以火炊水。沸以沃之。謂沃漏也。○爨七端反。

射人掌國之三公孤卿大夫之位。三公北面。孤東面。

卿大夫西面。其摯。三公執璧。孤執皮帛。卿執羔。大夫

鴈。

周

禮

卷三十

司馬政官之職

十一中華書局聚

射士將射始入見君之位不言士者此與諸侯之賓  
射士不與也燕禮曰公升卽位于席西鄉小臣納  
東面北上鄉大夫皆入門右北面東上士立于西方  
禮同○見賢遍反不與音  
預鄉許亮反朝燕直遙反

諸侯在朝則皆北面詔相其灋

謂諸侯來朝而未歸王與之相射于朝者皆  
北面從三公位灋其禮儀○相息亮反

若有國事則掌其戒令詔相其事

謂王有祭祀之事諸侯當助其薦獻  
者也戒令告以齊與期○齊側皆反

掌其治達

謂諸侯因與王射及助祭而有所治  
受而達之于王王有命又受而下的

以射灋治射儀王以六耦射三侯三獲三容樂以騶

虞九節五正。諸侯以四耦射二侯。二獲二容。樂以狸首。七節三正。孤卿大夫以三耦射一侯。一獲一容。樂以采蘋。五節二正。士以三耦射豻侯。一獲一容。樂以采繁。五節二正。

射法。王射之禮。治射儀。謂肆之也。鄭司農云。三侯。虎。熊。豹也。容者。乏也。特獲者。所蔽也。九節。析羽。九

重。設于長杠也。正所射也。詩云。終日射侯。不出正。今。二侯。熊。豹也。豻。侯。豻者。獸名也。獸有羆。豻。熊。虎。

玄。謂三侯者。一侯者。二正。二正而已。此皆與賓射於朝。二正之侯也。一侯者。二正。二正而已。此皆與賓射於朝。

之禮也。考工梓人職曰。張五采之侯。即五正之侯也。正。國。謂諸侯來朝者也。五采之侯。即五正之侯也。正。

之言。正也。射者。內志。正則能中焉。畫五正之侯。中。朱。次。白。次。蒼。次。黃。玄。居。外。三。正。損。玄。黃。二。正。去。白。

蒼。而。畫。以。朱。綠。其。外。之。廣。皆。居。侯。中。參。分。之。一。中。二。尺。今。儒。家。云。四。尺。曰。正。二。尺。曰。鵠。鵠。乃。用。皮。其。

大如正。此說失之矣。大射禮，射則以豸皮飾侯。下豸宜獄之豸。豸，胡犬也。士與士射，則以豸皮飾侯。下豸宜夫也。大射，七節以上與賓射飾侯以雲氣。用采各如其正。九節，七節五節者，奏樂飾侯以爲射節之差。言節者，容侯道之數也。樂記曰：明乎其節之志，不失其事。則功成而德行立。○正音征，下及注同。豸，五且反。志，劉音鴈，重直龍反。杠，音江，龜劬誅反。言正音政，下志正。大射，正同。能中，丁音仲反。去白起，呂反。行，下孟反。

### 若王大射，則以狸步。張三侯。

鄭司農云：狸步，謂一舉足爲一步。於今爲半步。玄謂狸善搏者也。行則止而擬度焉。其發必獲，是以量侯道法之也。侯道者，各以弓爲度。九節者，九十弓。七節者，七十弓。五節者，五十弓。弓之下制，長六尺。大射禮曰：大侯九十，參七十，干五十。是也。三侯者，司裘所共。虎侯、熊侯、豹侯也。列國之君，大射亦張三侯。數與天子同。大侯、熊侯也。參讀爲糝。糝，雜也。雜者，豹、鶴而麋飾。下天子大夫。○度待洛反。參，雜也。

讀爲參素感反于  
與豢同五旦反

王射則令去侯立于後以矢行告卒令取矢

鄭司農云射人主令人去侯所而立于後也以矢行告射人主以矢行高下左右告于王也大射禮揚曰大射正立于公後以矢行告于公下曰留上曰王則執矢也杜子春說不與禮經合疑非是也令卒取矢謂射卒射人令當取矢者使取矢也玄謂令去侯者命負侯者去侯也鄉射曰司馬命獲者執旌以負侯

祭侯則爲位

祭侯獻服不服不以祭侯西北三步北面拜受爵之位也大射曰服不侯西北三步北面拜受爵之

與大史數射中

射中數射者中侯之算也大射曰司射適階西釋弓去扑襲進由中東立于中南北面視算

佐司馬治射正。

射正射之法儀也。

祭祀則贊射牲相孤卿大夫之灋儀。

烝嘗之禮有射豕者國語曰禘郊之事天子必自射其牲今立秋有驅劉云○驅力朱反

會同朝覲作大夫介凡有爵者。

作讀如作止爵之作諸侯來至王使公卿有事焉則作大夫使之介也。有爵者命士以上不使賤者。

大師令有爵者乘王之倅車。

倅車戎車之副。○倅七內反。

有大賓客則作卿大夫從。

作者選使從王見諸侯○從才用反

戒大史及大夫介。

戒戒其當行者觀禮曰諸公奉篋服加命書于其上升自西階東面大史氏右。

大喪與僕人遷尸作卿大夫掌事比其廬不敬者苛罰之。

僕人大僕也僕人與射人俱掌王之朝位也王崩小斂大斂遷尸于室堂朝之象也檀弓曰扶君卜人師扶右射人師扶左君薨以是舉苛謂詰問之○比毗志反苛呼何反朝直遙反

**服不氏**掌養猛獸而教擾之。

猛獸虎豹熊羆之屬擾馴也教習使之馴服王者之教無不服。

凡祭祀共猛獸。

謂中膳羞者獸人冬獻狼春秋傳曰熊蹯不熟○蹯音煩

賓客之事則抗皮。

鄭司農云謂賓客來朝聘布皮帛者服不氏主舉藏之抗讀爲亢其讎之亢玄謂抗者若聘禮曰有司二人舉皮以東。

射則贊張侯以旌居乏而待獲。

贊佐也。大射禮曰命量人中車張三侯。杜子春云待當爲持書亦或爲持乏。讀爲匱乏之乏。持獲者所蔽。玄謂持獲待射者中。舉旌以獲。○中丁仲反。

**射鳥氏掌射鳥。**

鳥謂中膳羞者。鳧鴈鶉鷄之屬。○射食亦反。鳧音扶。鶉音保。鷄于苗反。

祭祀以弓矢。毆鳥鳶。凡賓客會同軍旅亦如之。

鳥鳶。善鈔盜便汗人。○毆起俱反。鈔初教反。



射則取矢。矢在侯高則以并夾取之。

鄭司農云王射則射鳥氏主取其矢。矢在侯高者矢著侯高人手不能及則以并夾取之。并夾取之并夾鉞箭其夾讀爲甲故司弓矢職曰大射燕射共弓矢并夾。○著直略反鉞其炎反。

**羅氏** 掌羅鳥鳥。

鳥謂卑居鵠之屬。○卑音匹。

蜡則作羅襦。

作猶用也。鄭司農云蜡謂十二月二月合聚萬物而索饗。特牲曰天子大蜡謂歲十二月。亥之襦細密之羅。襦讀爲縐。有衣袷之縐。玄謂蜡建亥之月此時火伏蟄者畢矣。豺既祭獸可以羅網。圍取禽也。王制曰豺祭獸然後田。又曰昆蟲已蟄可以火田。今俗放火張羅其遺教。○襦女俱反。注。

縐同袷。女居反。

中春羅春鳥獻鳩以養國老行羽物。

春鳥鵙而始出者若今南郡黃雀之屬是時鷹化爲鳩鳩與春鳥變舊爲新宜以養老助生氣行謂

頌賜○  
中音仲

**掌畜**掌養鳥而阜蕃教擾之。

阜猶盛也蕃蕃息也鳥之可養使盛大蕃息者謂鵝鶩之屬○鶩音木

祭祀共卵鳥。

其卵可薦之鳥

歲時貢鳥物。

鶉鴈之屬以四時來

共膳獻之鳥。

雉及鶉音純鶉音如之屬○

周禮卷三十



周禮卷三十一

漢大司農北海鄭玄註

明後學東吳金蟠訂

司馬政官之職

**司士**掌羣臣之版以治其政令歲登下其損益之數辨其年歲與其貴賤周知邦國都家縣鄙之數卿大夫士庶子之數

損益謂用功過黜陟者縣鄙鄉遂之屬故書版爲班鄭司農云班書或爲版版名籍

以詔王治

告王所當進退

以德詔爵。以功詔祿。以能詔事。以久奠食。

德謂賢者。食稍食也。賢者既爵。乃祿之。能者事成。乃食之。王制曰。司馬辨論官材。論進士之賢者。以告于王。而定其論。論定。然後官之。任官。然後爵之。位定。然後祿之。○奠音定。乃食音嗣。

惟賜無常。

賜多少由王。不  
如祿。食有常品。

正朝儀之位。辨其貴賤之等。王南鄉。三公北面東上。孤東面北上。卿大夫西面北上。王族故士虎士在路門之右。南面東上。大僕大右。大僕從者。在路門之左。南面西上。

此王日視朝事。於路門外之位。王族故士。故爲士。晚退。留宿衛者。未嘗仕。雖同族。不得在王宮。大右。

○司右也。大僕從者，小臣祭僕御僕隸僕。朝直遙反，鄉許亮反。大音泰，下倣此。

### 司士擯

詔王出揖公卿大夫以下朝者。

孤卿特揖大夫，以其等旅揖。士旁三揖，王還揖門左。揖門右。

特揖，大一揖之。族衆也。大夫爵同者衆，揖之乃就位。孤卿大夫始入門，右皆北面，東上。王揖之，乃就位。羣士及故士，大僕之屬發在其位。羣士位東面，王西南鄉而揖之。三揖者，士有上中下。王揖之，皆逡遁。既復位，鄭司農云：「卿大夫士皆君之所揖禮。」春秋傳所謂三揖在下。○遁音巡。

### 大僕前

前正王視朝之位。

王入內朝皆退。

王入。入路門也。王入路門內朝。朝者皆退。反其官府治處也。王之外朝則朝士掌焉。玉藻曰。朝服以日視朝於內朝。朝辨色始入。君日出而視之。退適路寢。聽政使人視大夫。大夫退然後適小寢。謂諸侯也。王日視朝皮弁服。其禮則同。

掌國中之士治凡其戒令。

國中。城中。

掌擯士者膳其摯。

擯士。告見初。爲士者於王也。鄭司農云。膳其摯者。王食其所執羔鴈之摯。玄謂膳者入於王之膳人。

○見賢遍反。食音嗣。

凡祭祀。掌士之戒令。詔相其灋事。及賜爵呼昭穆而



進之。

凡賜爵神惠及下也。此所賜王之子姓兄弟。祭統曰：凡羣。凡賜爵昭爲一，穆爲一，昭與昭齒，穆與穆齒。凡羣。有司皆以齒。此之謂長幼有序。○相息亮反。長丁丈反。

帥其屬而割牲羞俎豆。

割牲制體也。羞進也。

凡會同作士從賓客亦如之。

作士從謂可使從於王者。○從才用反。

作士適四方使爲介。

士使謂自以王命使也。介大夫之介也。春秋傳曰：天王使石尚來歸賑。○賑上軫反。

大喪作士掌事。

事謂奠  
斂之屬

# 作六軍之士執披。

作謂使之也。披，柩車行所以披持棺者。有紐以結之。謂之戴。鄭司農云：披者，扶持棺險者也。天子旁

於十二諸侯旁八大夫六士四。玄謂結披必當棺東

於東繫紐。天子諸侯戴柩三東。大夫士二東。喪大

記曰：君纁披六大夫披四。前纁後玄。士二披用纁。人君禮文欲其數多。圍數兩旁言六耳。其實旁三

# 凡士之有守者令哭無去守。

寄反。披方。守官不可空也。○守守又反。下皆同。

# 國有故則致士而頒其守。

故非喪則兵災。

凡邦國三歲則稽士任而進退其爵祿。

任其所  
掌治

諸子掌國子之倅。掌其戒令。與其教治。辨其等。正其位。

故書倅爲卒。鄭司農云。卒讀如物。有副倅之倅。國子謂諸侯。卿大夫士之子也。燕義曰。古者周天子之官。有庶子官。與周官諸子職同。文玄謂四民之業。而士者亦世焉。國子者是公卿大夫士之副貳。戒令。致於大子之事。教治。修德學道也。位。朝位。○倅。七內反。大子音泰。

國有大事。則帥國子而致於大子。惟所用之。若有兵甲之事。則授之車甲。合其卒伍。置其有司。以軍法治之。司馬弗正。

軍。驪百人爲卒。五人爲伍。弗不也。國子屬太子。司馬雖有軍事不賦之。○正音征。下國正同。

凡國正弗及。

大祭祀正六牲之體。

正謂杞載之。

凡樂事正舞位授舞器。

位併處。

大喪正羣子之服位會同賓客作羣子從。

從于王。

凡國之政事國子存遊倅使之脩德學道春合諸學秋合諸射以攷其藝而進退之。

遊倅倅之未仕者。學大學也。射射宮也。王制曰。春秋教以禮樂。冬夏教以詩書。王太子。王子。羣后之太子。卿大夫元士之適子。國之俊選。皆造焉。○適丁歷反。

**司右** 掌羣右之政令。

羣右。戎右。齊右。道右。○齊側皆反。

凡軍旅會同。合其車之卒伍。而比其乘。屬其右。

合。比。屬。謂次第相安習也。車亦有卒伍。○比。毗。志反。乘。繩。證反。屬。音燭。

凡國之勇力之士。能用五兵者。屬焉。掌其政令。

勇力之士。屬焉者。選右當於中。司馬灋曰。弓矢圍。及矛守。戈戟助。凡五兵。長以衛。短以救。長。○及。

殊音

**虎賁氏** 掌先後王而趨以卒伍。

王出將虎賁士居前後雖羣行亦有局分。○賁音奔。先悉薦反。後戶豆反。將子匠反。分扶問反。

軍旅會同亦如之。舍則守王閑。

○舍王出所止宿處。閑榿。榿薄禮反。榿戶故反。

王在國則守王宮。

衛周

國有大故則守王門。大喪亦如之。

非常之難要在門。○難乃旦反。

及葬從遣車而哭。

遣車王之魂魄所馮依。○從才用反。馮皮冰反。

適四方使則從士大夫。

虎士從使者

若道路不通。有徵事。則奉書以使之四方。

不通。逢兵寇若泥水。奉書徵師役也。春秋隱公七年冬。戎伐凡伯于楚丘以歸。

旅賁氏掌執戈盾。夾王車而趨。左八人。右八人。車止則持輪。

夾王車者。其下士也。下士十有六人。中士爲之帥焉。○盾常準反。

凡祭祀會同賓客。則服而趨。

服而趨。夾王車趨也。會同賓客。王亦齊服。服袞冕。則此士之齊服。服玄端。

喪紀。則衰葛執戈盾。

葛。葛經。武士尚輕。○衰。七雷反。

軍旅則介而趨。

介被甲。

**節服氏**掌祭祀朝覲衮冕六人。維王之太常。

服衮冕者從王服也。維維之以纁。王旌十二旒。兩兩以纁綴連。旁三人持之。禮天子旌曳地。鄭司農

云維持之。

諸侯則四人。其服亦如之。郊祀裘冕二人。執戈送逆。

尸從車。

裘冕者亦從尸服也。裘大裘也。凡尸服卒者之上服。從車從尸車送逆之往來。春秋傳曰晉祀夏郊。

董伯爲尸。

**方相氏**掌蒙熊皮。黃金四目。玄衣朱裳。執戈揚盾。帥



百隸而時難。以索室毆疫。

蒙冒也。冒熊皮者。以驚毆疫。癘之鬼。如今魅頭也。時難四時作方相氏。以難卻凶惡也。月令季冬命國難。索度也。○難乃多反。註同。毆起俱反。魅音欺。

大喪先匱。

葬使之道。○先匱悉薦反。下音柩。道音導。

及墓入壙。以戈擊四隅。毆方良。

擴穿地中也。方良。罔兩也。天子之椁柏。黃腸爲裏。而表以石焉。國語曰。木石之怪。夔罔兩。○擴。苦晃反。方良。上音罔。下音兩。註同。夔求龜反。

〔大僕〕掌正王之服位。出入王之大命。

服王舉動所當衣也。位立處也。出大命。王之教也。入大命。羣臣所奏行。

掌諸侯之復逆。

鄭司農云復謂奏事也逆謂受下奏

王眡朝則前正位而退入亦如之。

前正位而退道王王既立退居路門左待朝畢

建路鼓于大寢之門外而掌其政。

大寢路寢也其門外則內朝之中如今宮殿端門下矣政鼓節與早晏

以待達窮者與遽令聞鼓聲則速逆御僕與御庶子。

鄭司農云窮謂窮寇失織則來擊此鼓以達於王若今時上變事擊鼓矣遽傳也若今時驛馬軍書

當急聞者亦擊此鼓令聞此鼓聲則速逆御僕與御庶子也大僕主令此二官使速逆窮遽者玄謂

達窮者謂司寇之屬朝士掌以肺石達窮民聽其辭以告于王遽令郵驛上下程品御僕御庶子直

事鼓所者。大僕聞鼓聲。則速逆此二官。當受其事。以聞。○傳張戀反。令力呈反。郵音尤。

祭祀賓客。喪紀。正王之服位。詔灋儀。贊王牲事。

詔告也。牲事殺割七載之屬。

王出入。則自左馭而前驅。

前驅。如今道引也。道而居左。自馭。不驂乘。辟王也。亦有車右焉。○乘繩證反。辟音避。

凡軍旅田役。贊王鼓。

王通鼓佐擊其餘面。

救日月亦如之。

日月食時。春秋傳曰。非日月之眚。不鼓。

大喪始崩。戒鼓。傳達于四方。窆亦如之。

戒鼓擊鼓也。春秋傳所謂也。故書戒爲駭。鄭司農云。窆謂葬下棺也。春以警衆也。故書戒爲駭。鄭禮記謂之封。皆驗反。註之。封音相似。窆讀如慶。封汜祭之汜。○窆彼反。註之。封音同。劉皆逋。鄧反。塤。補。鄧反。汜。芳。劍反。

縣喪首服之灋于宮門。

首服之灋。謂免。髮。笄。總。廣。狹。長。短。之。數。縣。其。書。于。宮。門。示。四。方。○。縣。音。玄。免。音。問。髮。莊。瓜。反。

掌三公孤卿之弔勞。

王使往。○。勞。力。報。反。

王燕飲則相其灋。

相。左。右。○。相。息。亮。反。

王射則贊弓矢。

贊謂授  
之受之

王眡燕朝則正位。掌擯相。

燕朝朝于路寢之庭。王  
圖宗人之嘉事則燕朝。

王不眡朝則辭于三公及孤卿。

辭謂以王不視朝之意告之。  
春秋傳曰：公有疾不視朔。

**小臣**掌王之小命。詔相王之小灋儀。

小命時事所勅問也。小  
灋儀趨行拱揖之容。

掌三公及孤卿之復逆。正王之燕服位。

謂燕居時也。玉藻曰：  
王卒食玄端而居。

王之燕出入則前驅。

燕出入。若今游于諸  
觀苑。○觀古今喚反。

大祭祀朝覲沃王盥。

小祭祀賓客饗食賓射。掌事如大僕之灋。

賓射與諸侯來朝  
者射。○盥音管。

掌士大夫之弔勞。

凡大事佐大僕。

**祭僕** 掌受命于王以眡祭祀而警戒祭祀有司糾百  
官之戒具。

謂王有故不親祭也。祭祀有司有事  
於祭祀者糾謂校錄所當共之牲物。

既祭帥羣有司而反命以王命勞之。誅其不敬者。大

喪復于小廟。

小廟高祖以下也。始祖曰太廟。春秋僖八年秋七月禘於太廟。

凡祭祀王之所不與則賜之禽。都家亦如之。

鄭司農云：王之所不與，謂非郊廟尊祭祀則王不與也。則賜之禽，公卿自祭其先祖則賜之禽也。王不謂王所不與，同姓有先王之廟。○與音預，註同。

凡祭祀致福者，展而受之。

臣有祭事，必致祭肉於君，所謂歸胙也。展，謂視其牲體數體數者。太牢則以牛左肩臂，臠折九個。少牢則以羊左肩七個。特牲則以豕左肩五個。○胙存故反，臠奴報反，折之舌反，个古賀反。

**御僕**掌羣吏之逆，及庶民之復，與其弔勞。

羣吏，府史以下。

大祭祀相盥而登。

相盥者謂奉槃授巾與登謂爲王登牲體於俎特牲饋食禮主人降盥出舉入乃匕載○奉芳勇反

爲反于

大喪特嬰。

嬰棺飾也特之者夾蜃車○嬰所甲反

掌王之燕令。

燕居時之令

以序守路鼓。

序更庚音庚

隸僕掌五寢之埽除糞洒之事。



廟。繹。繹。五廟之寢也。周天子七廟。後曰寢。汜掃曰掃。掃席。前曰拊。洒。灑也。鄭司農云。洒當爲灑。報反。糞方問。反。曰。夏之門人當洒掃應對。○掃素報反。糞方問。反。洒所賣。反。灑所買。反。

### 祭祀脩寢。

於廟祭寢。或有事焉。月令。凡新物。先薦寢廟。

### 王行洗乘石。

鄭司農云。乘石。王所登上車之石也。詩云。有扁斯石。履之卑兮。謂上車所登之石。○乘如字。上時掌。反。下同。扁。邊典反。

### 掌蹕宮中之事。

宮中有事。則蹕。鄭司農云。蹕。謂止行者。猜道。若今時傲蹕。

大喪復於小寢。大寢。

小寢高祖以下廟之  
寢也。始祖曰大寢。

周禮卷三十一

周禮卷三十二

漢大司農北海鄭玄註

明後學東吳葛鼎訂

司馬政官之職

弁師掌王之五冕皆玄冕朱裏延紐。

冕服有六而言五冕者大裘之冕蓋無旒不聯數也。延冕之覆在上是以名焉。紐小鼻在武上。笄所貫也。今時冠卷當簪者廣袤以冠縱其舊象與。○數所主反卷起全反。袤音茂。縱所買反。

五采繅十有二就。皆五采玉十有二玉笄朱紘。

繅雜文之名也。合五采絲為之繩。垂於延之前。后各十二。所謂邃延也。就成也。繩之每一而貫五

采玉十二旒。則十二玉也。每就閒蓋一寸。朱紘以朱組為紘也。紘一條屬兩端於武。繅不言皆有不

皆者此爲衮衣之冕。十二旒則用玉二百八十八。鷩衣之冕。纁纁九旒。用玉一百六十八。希衣之冕。五旒。用玉一百二十。玄衣之冕。三旒。用玉七十二。○纁音早。遂息遂反。旒音留。下同。屬音燭。鷩必滅反。希張里反。

諸侯之纁旒九就。璫玉三采。其餘如王之事。纁旒皆就。玉瑱玉笄。

侯當爲公。字之誤也。三采。朱白蒼也。其餘謂延組皆玄。覆朱裏與王同也。出此則異纁旒皆就。皆三采也。每纁九成。則九旒也。公之冕。用玉百六十二。玉瑱。塞耳者。故書璫作璫。鄭司農云。纁當爲藻。纁依注音公。璫今字也。同物同音。玩惡玉名。○侯

王之皮弁會五采玉璫象邸玉笄。

故書會作禮。鄭司農云。讀如馬會之會。謂以五采束髮也。士喪禮曰。檜用組。乃笄檜。讀與禮同。書之。

異耳。說曰：以組束髮，乃著笄，謂之檜。沛國人謂反紒爲醴。璠讀如綦。車轂之綦，玄謂會讀如大會之。縫中每貫結五采玉十二，以爲飾，謂之綦。綦結也。皮弁之弁如星。又曰：其弁伊綦是也。邸下抵也。以象骨爲之。○會劉古外反。注同。弁醴檜二字亦同。璠音其。著張略反。紒音計。抵丁禮反。劉音帝。

### 王之弁經弁而加環經。

弁經，王弼所服也。其弁如爵弁而素，所謂素冠也。而加環經，環經者大如緦之麻經，纏而不糾。司服職曰：凡吊事弁經服。

諸侯及孤卿大夫之冕，韋弁皮弁。弁經各以其等爲之，而掌其禁令。

各以其等。纁旂玉璠如其命數也。冕則侯伯纁七，就用玉九十八。子男纁五，就用玉五十。纁玉皆三。

采孤纁四就用玉三十二三命之卿纁三就用玉  
十八再命之大夫藻再就用玉八藻玉皆朱綠韋  
弁皮弁則侯伯璫飾七子男璫飾五玉亦三采孤  
則璫飾四三命之卿璫飾三再命之大夫璫飾二  
玉亦二采弁冠之弁其辟積如冕纁之就然庶人  
弔者素委貌一命之大夫冕而無旒士變冕爲爵  
弁其韋弁皮弁之會無結飾弁經之弁不辟積禁  
令者不得相僭踰也玉藻曰君未有命弁不敢卽乘  
服不言冠弁冠弁兼於韋弁皮弁矣不言服弁  
服弁自天子以下無飾無等○辟積必亦反

**司甲**

闕

**司兵**掌五兵五盾各辨其物與其等以待軍事

五盾干櫓之屬其名未盡聞也等謂功沽上下  
鄭司農云五兵者戈及戟會矛夷矛○櫓音魯

及授兵從司馬之灋以頒之及其受兵輸亦如之及  
其用兵亦如之

從司馬之法令師旅卒兩人數所用多少也。兵輸謂師還。有司還兵也。用兵謂出給衛守。○卒于忽反。

### 祭祀授舞者兵。

授以朱干玉戚之屬。

### 大喪歛五兵。

故書歛爲淫。鄭司農云淫陳也。淫讀爲歛。玄謂歛興也。興作明器之役。器五兵也。士喪禮下篇有甲冑干箠。○歛虛金反。興虛應反。下同。箠字又作箠。側白反。

### 軍事建車之五兵會同亦如之。

車之五兵。鄭司農所云者是也。步卒之五兵。則無夷矛而有弓矢。

### 司戈盾掌戈盾之物而頒之。

分與  
授用

祭祀授旅賁。故士戈盾授舞者兵亦如之。

亦頌之也。故士王族故士也。與旅賁當事則衛王也。及如杖長尋有四尺。

軍旅會同授貳車戈盾。建乘車之戈盾。授旅賁及虎士戈盾。

乘車王所乘車也。軍旅則革路會同則金路。○乘繩證反。後乘馬陪乘參乘皆準此注。依字讀。

及舍設藩。盾行則斂之。

舍止也。藩盾。盾可以藩衛者。如今之扶蘇與。

司弓矢。掌六弓四弩八矢之灋。辨其名物。而掌其守藏。與其出入。



灑曲直長  
短之數

# 中春獻弓弩中秋獻矢箛

弓弩成於和矢箛成於堅箛盛矢器也  
以獸皮爲之○中音仲箛音服盛音成

及其頒之王弓弧弓以授射甲革楛質者夾弓庾弓  
以授射豻侯鳥獸者唐弓大弓以授學射者使者勞  
者。

王弧夾庾唐大六者弓異體之名也往體寡來體  
多曰王弧往體多來體寡曰夾庾往體來體若一  
也唐大甲革革甲也春秋傳曰蹲甲而射之質正  
也樹楛以爲射正射甲與楛試弓習武也豻侯五

十步及射鳥獸皆近射也近射用弱弓則射大侯  
者用王弧射參侯者用唐大矣學射者弓用中後

習強弱則易也使者勞者弓亦用中遠近可也勞  
者勤勞王事若晉文侯文公受王弓矢之賜者故

書樞爲鞬。鄭司農云：樞字或作鞬，非是也。圍師職曰射，則充樞質。又此司樞弓矢職曰：澤共射，樞質之。弓矢言射，樞質自有弓，謂王弧弓也。以此觀之，言鞬質者非。○射甲食亦反。下以意求之，樞張林反。同。躡音岸，使者所吏反。注。

其矢箛皆從其弓。

從弓數也。每弓者一箛百矢。

凡弩夾庾利攻守。唐大利車戰野戰。

攻城壘者與其自守者相近。弱弩發疾也。車戰野戰進退非強則不及。弩無王弧。王弧恒服弦往。體少者使矢不疾。

凡矢枉矢絜矢利火射。用諸守城車戰。殺矢鏃矢。用諸近射。田獵。矰矢。第矢。用諸弋射。恒矢。痺矢。用諸散。

射

此入矢者弓弩各有四焉枉矢殺矢矐矢恒矢取  
 所用也絜矢鏃矢箠矢痺矢弩所用也矐矢恒矢取  
 名變星飛行有光今之飛矛是也或謂之兵矢絜  
 矢象焉二者皆可結火以射敵守城車戰前於重  
 後微輕行疾也殺矢言中則死鏃矢象焉鏃之言  
 候也二者皆可以司候射敵之近者及禽獸前尤  
 重中深而不可遠也結繳於矢謂之矐矐高也箠  
 矢象焉箠之言剡也二者皆可以弋飛鳥刺羅之  
 也前於重也微輕行不低也詩云弋鳧與鴈恒矢  
 安居之矢也痺矢象焉二者皆可以散射也謂禮  
 射及習射也前前後後訂其行平也凡矢之制在  
 屬五分二射在前三在後殺矢之屬參分一在前二  
 在後矐矢之屬七分三在前四在後恒矢之屬軒  
 輶中所謂志也鄭司農云庫矢讀為人罷短之罷  
 玄謂庫讀如痺病之痺痺之言倫比○鏃音候矐  
 音增箠扶弗反痺中丁仲反下中深射中同繳章藥  
 反剡孚物反輶定周反

周  
 卷三十一  
 同馬敘言  
 五十一  
 陸  
 音

天子之弓。合九而成規。諸侯合七而成規。大夫合五而成規。士合三而成規。句者謂之弊弓。

體往來之衰也。往體寡來體多。則合多往體多來體寡則合少。而圓弊猶惡也。句者惡則直者善矣。

○弊婢世反  
衰初危反

凡祭祀共射牲之弓矢。

射牲示親殺也。殺牲非尊者所親。惟射爲可。國語曰。禘郊之事。天子必自射其牲。

澤共射。椹質之弓矢。

鄭司農云。澤澤宮也。所以習射。選士之處也。射義曰。天子將祭。必先習射於澤。澤者所以擇士也。射已中者得與於祭。○與射宮射

大射燕射共弓矢。如數并夾。

如數如當射者之數也。每入一弓，乘矢并夾矢，籥也。○乘繩證反。籥劉奴輒反。又女十反。

大喪共明弓矢。

弓矢明器之用器也。士喪禮下篇曰：用器弓矢。

凡師役會同，頒弓弩各以其物，從授兵甲之儀。

物屬。○弓弩矢籥之屬。○從才用反。

田弋充籠籥矢，共矐矢。

籠竹籥也。矐矢不在籥者，爲其相繞亂，將用乃共之。○爲于僞反。

凡亡矢者，弗用則更。

更，償也。用而棄之，則不償。

**繕人**掌王之用弓弩矢箛矐弋挾拾。

鄭司農云扶拾既次詩家所以說或謂扶也拾者所以引弦也詩

扞也玄謂扶挾矢時所以持弦飾也著右手巨指士喪禮曰扶用正王棘若擇棘則天子用象骨與

鞬扞著左臂裏以韋爲之○驅苦侯反鞬古侯反扞胡旦反著丁略反

掌詔王射。

告王當射之節

贊王弓矢之事。

授之受之

凡乘車充其籠箠載其弓弩。

充籠箠以盛矢

既射則斂之。

斂藏之也。詩云：彤弓召兮。受言藏之。○詔昌遙反。

無會計。

亡敗多少不計。○會古外反。下大會同。後放此。

**廩人**掌受財于職金以齎其工。

齎其工者給市財用之。直○齎音咨。後皆同。

弓六物爲三等。弩四物亦如之。

三等者上中下。人各有所宜。弓人職曰：弓長六尺六寸。謂之上。制上士服之。弓長六尺三寸。謂之中。

制中士服之。弓長六尺。謂之下。制下士服之。弩及矢箠長短之制未聞。

矢八物皆三等。箠亦如之。春獻素。秋獻成。

矢箠春作。秋成。

書其等以饗工。

鄭司農云書工攻拙高下之等以制其饗食也。玄謂饗酒肴勞之也。上工作上等其饗厚。下工作下

等。其饗薄。○勞。洛報反。

乘其事。試其弓弩。以下上其食而誅賞。

鄭司農云乘計也。計其事之成功也。故書試爲考。玄謂考之而善則上其食。尤善又賞之。否者反此。

掌。○下上時反。注同。

乃入功于司弓矢及繕人。

成功。

凡齋財與其出入皆在橐人。以待會而攷之。亡者闕

之。



皆在橐人者所齎工之財及弓弩矢箠棄亡者除之其簿  
書橐人藏之闕猶除也弓弩矢箠棄亡者除之其計  
見賢遍反○

**戎右掌戎車之兵革使。**

使謂王使以兵有所誅斬也春秋傳曰戰於穀晉  
梁弘御戎萊駒爲右戰之明日襄公縛秦囚使萊  
駒以戈斬之○使  
色吏反注使謂同

**詔贊王鼓。**

既告王當鼓之  
節又助擊之

**傳王命于陳中。**

爲王大言之也○陳  
直慎反爲于僞反

**會同充革車。**

會同王雖乘金路猶以革路從行也充之者謂居左也曲禮曰乘君之乘車不敢曠左

盟則以玉敦辟盟遂役之

鄭司農云敦器名也辟法也玄謂將敵血者傳敦其器爲衆陳其載辭使心皆開辟也役之者傳敦

○血授當敵者敦音對

贊牛耳桃茹

鄭司農云贊牛耳春秋傳所謂執牛耳者故書茹爲滅杜子春云滅當爲厲玄謂尸盟者割牛耳取血助爲之及血在敦中以桃茹拂之又助之也耳者盛以珠盤尸盟者執之以桃茹所畏也茹菽帚所以掃不祥○茹音列盛音成菽音條帚之受反

齊右掌祭祀會同賓客前齊車王乘則持馬行則陪

乘

齊車金路。王自整齊之車也。前之者已駕。王未乘之時陪乘參乘謂居右也。齊右與齊僕同車而有祭祀之事則兼玉路之右。然則戎右兼田右與。○齊側皆反。下齊車齊僕皆同。

凡有牲事則前馬。

王見牲則拱而式。居馬前卻行。備驚奔也。曲禮曰：國君下宗廟式齊牛。

道右掌前道車。王出入則持馬陪乘。如齊車之儀。

道車象路也。王行道德之車。

自車上諭命于從車。

自由。○從才用反。

詔王之車儀。

顧式之屬。

王式則下前馬。王下則以蓋從。

以蓋從  
表尊

大馭掌馭王路以祀。及犯馱。王自左馭。馭下祝。登受  
轡。犯馱。遂驅之。

行山曰馱。犯之者。封土爲山象。以苦芻棘柏爲神  
主。既祭之。以車轡之而去。喻無險難也。春秋傳曰。  
跋涉山川。自由也。王由左馭。禁制馬使不行也。故  
書馱作罰。杜子春云。罰當爲馱。馱讀爲別。異之別。  
謂祖道轡。馱。磔犬也。詩云。載馱載推。取蕭祭脂。取  
瓶以馱。詩家說曰。將出祖道。犯馱之祭也。聘禮曰。  
乃舍馱。飲酒于其側。禮家說亦謂道祭。○馱。蒲末  
反。注跋涉同。菩音倍。轡音歷。難乃旦反。別。彼列反。  
磔。陟格反。瓶。丁兮反。舍音釋。

及祭酌僕。僕左執轡。右祭兩馱。祭馱。乃飲。

故書軻爲軻。軻爲範。杜子春言。又云。文當如此。左不當重。重非是。書亦或如子春言。又云。軻當作軻。軻不當。兩軻也。其或言軻。亦非是。又云。軻當爲軻。軻謂車前軻也。或讀軻爲簪。笄之笄。○軻音止。軻音犯。注。軻同。軒劉音雞。重直龍反。龍反。音衛。軻當媿矣。反。又音犯。軻。

凡馭路行以肆夏趨以采齊。

凡馭路。謂五路也。肆夏。采齊。樂章也。行。謂大寢。至路門。趨。謂路門。至應門。○齊。才私反。

凡馭路儀以鸞和爲節。

舒疾之法也。鸞在衡和在軾。皆以金爲鈴。

戎僕掌馭戎車。

戎車。革路也。師出。王乘以自將。○將。子匠反。乘。

掌王倅車之政。正其服。

倅副也。服謂衆乘戎車者之衣服。○倅七內反。

犯較如玉路之儀。凡巡守及兵車之會亦如之。

如在軍。

掌凡戎車之儀。

凡戎車衆之兵車也。書序曰：武王戎車三百兩。

**齊僕** 掌馭金路以賓。

以待賓客。

朝覲宗遇饗食皆乘金路。其灋儀各以其等爲車送。

逆之節。

節謂王乘車迎賓客及送相去遠近之數。上公九十步。侯伯七十步。賓客及送相去遠近之數。上公九十步。侯伯七十步。賓客及送相去遠近之數。上公九十步。侯伯七十步。賓客及送相去遠近之數。上公九十步。

辱又曰及  
出車送

**道僕**掌馭象路以朝夕燕出入其灋儀如齊車

朝夕朝朝莫夕○朝夕直遙  
反朝朝上如字莫夕音暮

掌貳車之政令

貳亦  
副

**田僕**掌馭田路以田以鄙

田路木路也田田獵也鄙  
循行縣鄙○行下孟反

掌佐車之政

佐亦  
副

設驅逆之車

驅驅禽使前趨獲逆銜還之使不出圍○銜本又作御同五嫁反

令獲者植旌

以告獲也植樹也

及獻比禽

田弊獲者各獻其禽比種物相從次數之○比毗志反

凡田王提馬而走諸侯晉大夫馳

提猶舉也晉猶抑也使入叩而舉之抑之皆止奔也馳放不扣

馭夫掌馭貳車從車使車

貳車象路之副也使車驅逆之車田路之副也使車驅逆之車

分公馬而駕治之



乘調六  
種之馬

周禮三十二



周禮卷三十三

漢大司農北海鄭玄註

明後學東吳金蟠訂

司馬政官之職

按人掌王馬之政

政謂差擇養乘之數也月令曰班馬政

辨六馬之屬種馬一物戎馬一物齊馬一物道馬一物田馬一物駑馬一物

種謂上善似母者以次差之玉路駕種馬戎路駕戎馬金路駕齊馬象路駕道馬田路駕田馬駑馬

給宮中之役

凡頒良馬而養乘之。乘馬一師。四圍三乘爲皐。皐一趣馬。三皐爲繫。繫一馭夫。六繫爲廐。廐一僕夫。六廐成校。校有左右。駑馬三良馬之數。麗馬一圍。八麗一師。八師一趣馬。八趣馬一馭夫。

良善也。善馬五路之馬。鄭司農云。四匹爲乘。養馬爲圍。故春秋傳曰。馬有圍。牛有牧。玄謂二耦爲乘。

師。趣馬。馭夫。僕夫。帥之名也。趣馬。下士。馭夫。中士。則僕夫。上士也。自乘至廐。其數二百一十六匹。易

乾爲馬。此應乾之策也。至校變爲言成者。明六馬爲一廐。而王馬小備也。校有左右。則良馬一種者

之。則爲千二百匹。五種合二千一百六十三匹。駑馬三百

五十六匹。然後王馬大備。詩云。駉牝三千。此謂王馬之大數。與麗耦也。駑馬自圍至馭夫。凡馬千二

十四匹。與三良馬之數。不相應。八皆宜爲六。三字之誤也。師十二匹。趣馬七十二匹。則馭夫四百三十

二匹矣。然後而三之。既三之。無僕夫者。不駕於五路。卑之也。○乘繩。證反。注同。阜才早反。趣倉走反。繫音計。廢九又反。

天子十有二閑。馬六種。邦國六閑。馬四種。家四閑。馬二種。

降殺之差。每廢爲一閑。諸侯有齊馬道馬田馬大夫有田馬各一閑。其駑馬則皆分爲三焉。○殺所反。界。

凡馬特居四之一。

欲其乘之性相似也。物同氣則心一。鄭司農云。四之一者。三牝一牡。

春祭馬祖。執駒。

馬祖。天駟也。孝經說曰。房爲龍馬。鄭司農云。執駒無令近母。猶攻駒也。二歲曰駒。三歲曰駟。玄謂執駒。

猶拘也。春通淫之時，駒弱血氣未定，爲其乘匹傷之。○令力呈反。下令皆同。馱音肇，爲于僞反。

### 夏祭先牧。頒馬攻特。

先牧，始養馬者。其人未聞。夏通淫之後，攻其特，爲其蹄齧不可乘。用鄭司農云：攻特謂驟之。○驟音繩。

### 秋祭馬社。臧僕。

馬社，始乘馬者。世本作曰，相土作乘馬。鄭司農云：臧僕，謂簡練馭者。令皆善也。玄謂僕馭，五路之僕。

○相息亮反。

### 冬祭馬步。獻馬。講馭夫。

馬步，神爲災害馬者。獻馬，見成馬於王也。馭夫，馭貳車。從車使車者，講猶簡習。○見賢遍反。從才用。

反。

凡大祭祀朝覲會同毛馬而頒之。

毛馬齊其色也。頒授當乘者。

飾幣馬執扑而從之。

鄭司農云。校人主飾之也。幣馬以馬遺人。當幣處者也。聘禮曰。馬則北面奠幣于其前。士喪禮下篇曰。薦馬纓三就。入門北面交轡。圉人夾牽之。馭者執策立于馬後。○遺轡。圉人夾。

凡賓客受其幣馬。

賓客之幣馬來朝聘而享王者。

大喪飾遣車之馬及葬狸之。

言狸之則是馬塗車之芻靈。

田獵則帥驅逆之車。

帥猶將也。

凡將事于四海山川則飾黃駒。

四海猶四方也。王巡狩過大山川則有殺駒以祈沈禮。與玉人職有宗祝以黃金勺前馬之禮。

凡國之使者共其幣馬。

使者所用私覲。

凡軍事物馬而頒之。

物馬齊其力。

等馭夫之祿。

馭夫於趣馬僕夫爲中。舉中見上下。

宮中之稍食。



師圍府史以下也。鄭司農云：稍食曰廩。

**趣馬** 掌贊正良馬而齊其飲食。簡其六節。

贊，佐也。佐正者，謂校人臧僕。講馭夫之時，簡差也。節，猶量也。差，擇王馬以爲六等。

掌駕說之頒。

用馬之第次。○說始銳反。

辨四時之居治以聽馭夫。

居，謂牧序所處。治，爲執駒攻特之屬。○序音雅。

**巫馬** 掌養疾馬而乘治之。相醫而藥攻馬疾。受財于

校人。

乘，謂驅步以發其疾。知所疾處，乃治之相助也。○相息亮反。

馬死則使其買粥之入其布于校人。

布泉也。鄭司農云：賈謂其屬官小吏賈二人粥賣也。○粥音育。

**牧師**掌牧地皆有厲禁而頒之。

頒馬授圉者所牧處。

孟春焚牧中春通淫。

焚牧地以除陳生新草也。中春陰陽交萬物生之時可以合馬之牝牡也。月令季春乃合累牛騰馬遊牝于牧。秦時書也。秦地寒涼萬物後動。○中音仲。累力追反。

掌其政令。凡田事贊焚萊。

焚萊者山澤之虞。

**庾人**掌十有二閑之政。教以阜馬佚特。教駢攻駒。及

祭馬祖。祭閑之先。牧及執駒散馬耳。圉馬。

九者皆有政教焉。阜盛壯也。詩云：四牡孔阜。杜子春云：佚當爲逸。鄭司農云：馬三歲曰騊，二歲曰駒。散讀爲中散，大夫之散，謂聒馬耳。毋令善驚也。玄謂逸者用之，不使甚勞，安其血氣也。教騊始乘習之也。攻駒制其蹄鬣者，閑之先。牧先制閑者，散馬耳。以竹括押其耳頭，動搖則括中物後遂串習。不復驚。○聒古活反，毋音無，令力呈反，中物丁仲反，復扶又反。

正校人員選。

校人謂師圉也。正員選者，選擇可備員者平之。

馬八尺以上爲龍，七尺以上爲騊，六尺以上爲馬。

大小異名。爾雅曰：騊，牝牡。玄駒，襄駮。鄭司農說以月令曰：駕蒼龍。○襄奴了反。

圉師掌教圉人養馬。春除蓐，釁廄，始牧。夏序馬，冬獻。

馬射則充椹質。茨牆則翦闔。

蓐馬茲也。馬既出而除之。新釁焉。神之也。春秋傳曰。凡馬月中而出。日中而入。故字序爲訝。鄭司農

云。當爲序。玄謂序。廡也。廡所以庇馬涼也。充。猶居也。茨。蓋也。闔。苦也。椹質。翦闔。圉人所習也。杜子春

讀椹爲齊。人言鉄椹之椹。椹質所射者。習射處。○蓐音辱。茨在私反。廡亡甫反。射食亦反。

○**圉人**掌養馬芻牧之事。以役圉師。

役者。圉師使令焉。

凡賓客喪紀。牽馬而入陳。

賓客之馬。王所以賜之者。詩云。雖無予以。路車乘馬。喪紀之馬。啓後所薦馬。

廡馬亦如之。

廡馬。遣車之馬。入捧之。亦牽而入陳。○捧扶恭反。

職方氏掌天下之圖以掌天下之地辨其邦國都鄙四夷八蠻七閩九貉五狄之人民與其財用九穀六畜之數要周知其利害

天下之圖如今司空輿地圖也鄭司農云東方曰夷南方曰蠻西方曰戎北方曰貉狄玄謂閩蠻之

別也國語曰閩芋蠻矣四八七九五六周之所服國數也財用泉穀貨賄也利金錫竹箭之屬害神  
姦鑄鼎所象百物也爾雅曰九夷八蠻六戎五狄謂之四海○閩亡巾反貉孟白反畜許六反劉音如

乃辨九州之國使同貫利

貫事也

東南曰揚州其山鎮曰會稽其澤藪曰具區其川三

江其浸五湖其利金錫竹箭其民二男五女其畜宜鳥獸其穀宜稻。

鎮名山安地德者也。會稽在山陰。大澤曰藪。具區五湖在吳南。浸可以爲陂。灌溉者錫鐵也。箭篠也。

鳥獸孔雀鸞鳩鵠犀象之屬。故書箭爲晉。杜子春云。晉當爲箭。書亦或爲箭。○陂彼宜反。漑古愛反。

鐵音臘。篠素了反。鳩音交。鵠音精。

正南曰荊州。其山鎮曰衡山。其澤藪曰雲薈。其川江漢。其浸潁湛。其利丹銀齒革。其民一男二女。其畜宜鳥獸。其穀宜稻。

衡山在湘南。雲薈在華容。潁出陽城。宜屬豫州。在此非也。湛未聞。齒象齒也。革犀兕草也。杜子春云。

湛讀當爲人。名湛之湛。湛或爲淮。○菅亡貢反。

河南曰豫州。其山鎮曰華山。其澤藪曰圃田。其川滎。雒。其浸波澆。其利林漆絲枲。其民二男三女。其畜宜六擾。其穀宜五種。

華山在華陰。圃田在中牟。滎。兗水也。出東垣。入于河。洑。爲滎。滎在滎陽。波。讀爲播。禹貢曰。滎播既都。春秋傳曰。楚子除道梁澆。營軍臨隨。則澆宜屬荊州。在此非也。林。竹木也。六擾。馬。牛。羊。豕。犬。雞。五種。黍。稷。菽。麥。稻。○澆。音詐。都。本。或作豬。

正東曰青州。其山鎮曰沂山。其澤藪曰望諸。其川淮。泗。其浸沂沭。其利蒲魚。其民二男二女。其畜宜雞狗。其穀宜稻麥。

沂山。沂水所出也。在蓋望諸。明都也。在睢陽。沭出東莞。二男二女。數等似誤也。蓋當與兗州同。二男

三女鄭司農云淮或爲  
睢流或爲洙○流音述

河東曰兗州。其山鎮曰岱山。其澤藪曰大野。其川河  
涕。其浸廬維。其利蒲魚。其民二男三女。其畜宜六擾。  
其穀宜四種。

岱山在博。大野在鉅野。廬維當爲雷雍。字之誤也。  
禹貢曰雷夏既澤。雍沮會同。雷夏在城陽。四種黍

稷稻麥○  
涕于禮反○

正西曰雍州。其山鎮曰嶽山。其澤藪曰弦蒲。其川涇  
汭。其浸渭洛。其利玉石。其民三男二女。其畜宜牛馬。  
其穀宜黍稷。

嶽吳嶽也。及弦蒲在涇。涇出涇陽。汭在鹵地。詩大  
雅公劉曰汭坻之卽洛出懷德。鄭司農云弦或爲



汧，清或爲浦。○雍於用反，汧如銳反。汧口千反。坳，弓六反。詩作鞫。

東北曰幽州。其山鎮曰醫無閭。其澤藪曰獫狁。其川河澗。其浸菑時。其利魚鹽。其民一男三女。其畜宜四擾。其穀宜三種。

醫無閭在遼東。獫狁在長廣。菑，出萊蕪。時，出般陽。四擾，馬牛羊豕三種。黍稷稻，杜子春讀獫爲奚。○

獫音兮般步干反。

河內曰冀州。其山鎮曰霍山。其澤藪曰楊紆。其川漳。其浸汾潞。其利松柏。其民五男三女。其畜宜牛羊。其穀宜黍稷。

霍山在冀陽紆所在未聞。章出長子。汾出汾陽。潞出歸德。○汾扶文反。長子丁丈反。

正北曰并州。其山鎮曰恆山。其澤藪曰昭餘祁。其川  
虜池。嘔夷。其浸涑易。其利布帛。其民二男三女。其畜  
宜五擾。其穀宜五種。

恆山在上曲陽。昭餘祁在鄆。虜池出鹵城。嘔夷祁  
夷與出平舒。涑出廣昌。易出故安。五擾馬牛羊犬

豕。五種黍稷菽麥稻也。凡九州及山鎮澤藪。言曰  
者。以其非一。曰其大者耳。此州界揚荆豫兗雍冀

與禹貢略同。青州則徐州地也。幽并則青冀之  
北也。無徐梁。○虜喚胡反。池徙多反。區烏侯反。

乃辨九服之邦國。方千里曰王畿。其外方五百里曰  
侯服。又其外方五百里曰甸服。又其外方五百里曰  
男服。又其外方五百里曰采服。又其外方五百里曰  
衛服。又其外方五百里曰蠻服。又其外方五百里曰

夷服。又其外方五百里曰鎮服。又其外方五百里曰藩服。

服。服事天子也。詩云。侯服于周。

凡邦國千里封公。以方五百里則四公。方四百里則六侯。方三百里則七伯。方二百里則二十五子。方百里則百男。以周知天下。

以此率徧知四海九州邦國多少之數也。方千里者。爲方百里者百。以方三百里之積。以九約之。得

十里。一有奇。云七伯者。字之誤也。周九州之界。方七千里。七十七。四十九。方千里者。四十九。其一爲畿內。餘四十八。八州各有方千里者六。周公變殷湯之制。雖小國地皆方百里。是每事言則者。設法也。設

法者。以待有功而大其封。一州之中。以其千里封公。則可四。又以其千里封侯。則可六。又以其千里

以封伯則可封男則可以其千里封子則可二十五也又以其千里封男則可以其公侯伯子男亦不是過也州之二百一十國以男備其數焉其餘以爲附庸四海之國黜陟之功亦如之雖有大國爵稱子而已鄭司農云此制亦見大司徒職曰諸公之地方三百里諸侯之地方四百里諸伯之地方三百里諸子之地方二百里諸男之地方一百里○率音律奇紀宜反見賢遍方百

### 凡邦國小大相維。

大國比小國小國事大國各有屬相維聯也○比毗志反

### 王設其牧。

選諸侯之賢者爲牧使牧理之

### 制其職各以其所能。

牧監參伍之屬用能所任秩次

制其貢。各以其所有。

國之地  
物所有

王將巡守。則戒于四方。曰：各脩平乃守。攷乃職事。無敢不敬。戒國有大刑。

乃猶女也。守謂國竟之內。職事所當共具。○女音汝。竟音境。共音恭。

及王之所行。先道帥其屬而巡戒令。

先道。先由王所從道居前行。其前日所戒之令。

王殷國亦如之。

殷猶衆也。十二歲王若不巡守。則六服盡朝。謂之殷國。其戒四方諸侯。與巡守同。○朝直遙反。

**土方氏**掌土圭之法。以致日景。

致日景者夏至景尺有五寸冬至景丈三尺其間則日有長短

以土地相宅而建邦國都鄙

土地猶度地知東西南北之深而相其可居者宅居也○相息亮反度待洛反深尺鳩反

以辨土宜土化之灋而授任地者

土宜謂九穀植穉所宜也土化地之輕重糞種所宜用也任地者載師之屬

王巡守則樹王宮

爲之藩羅

懷方氏掌來遠方之民致方貢致遠物而送逆之達

之以節

遠方之民四夷之民也諭德延譽以來之遠物九州之外無貢灋而至者達民以旌節達貢物以璽

節

治其委積館舍飲食。

○續食其往來。  
續食音嗣。

**合方氏**掌達天下之道路。

津梁相奏  
不得陷絕。

通其財利。

茂遷其  
有無。

同其數器。

權衡不得  
有輕重。

壹其度量。

尺丈釜鍾不  
得有大小

除其怨惡。

怨惡邦國  
相侵虐

同其好善。

所好所善謂風俗所  
高尚○好呼報反

訓方氏掌道四方之政事與其上下之志。

道猶言也。為王說之四方諸侯  
也。上下君臣也。○為于僞反。

誦四方之傳道。

傳道世世所傳說往古之事也。為王誦之。若今論  
聖德堯舜之道矣。故書傳為傳。杜子春云。傳當作

傳。書亦或為傳。○  
傳直專反。注同。



正歲則布而訓四方。

布告以教天下。使知世所善惡。

而觀新物。

四時於新物出則觀之以知民志。所好惡。志淫行辟則當以政教化正之。○惡烏路反。行辟下孟反。亦反。

形方氏掌制邦國之地域而正其封疆。無有華離之地。

杜子春云。離當爲雜。書亦或爲雜。玄謂華讀爲瓜。哨之瓜。正之使不瓜。邪離絕。

使小國事大國。大國比小國。

比猶親也。易比象曰。先王以建萬國。親諸侯。

山師掌山林之名辨其物與其利害而頒之于邦國使致其珍異之物。

山林之名與物若岱峽絲枲嶧陽孤桐矣利其中大用者害毒物及螫噬之蟲獸○峽古犬反螫音釋

川師掌川澤之名辨其物與其利害而頒之于邦國使致其珍異之物。

川澤之民與物若泗濱浮磬淮夷蠙珠暨魚澤之萑蒲○蠙薄田反

邊師掌四方之地名辨其丘陵墳衍遠隰之名。

地名謂東原大陸之屬○邊音原

物之可以封邑者。

物之謂相其土地可以居民立邑。○相息亮反。

匡人掌達灋則。匡邦國而觀其慝。使無敢反側以聽

王命。

灋則。入灋入則也。邦國之官府都鄙亦用焉。慝。姦偽之惡也。反側。猶背達灋度也。書曰。無反無側。王

直道正

之。擇人掌誦王志。道國之政事。以巡天下之邦國而語

道猶言也。以王之志與政事諭說諸侯。使不迷惑。

使萬民和說而正王面。

面猶鄉也。使民之心曉而正鄉王。○說音悅。鄉許亮反。

**都司馬**掌都之士庶子及其衆庶車馬兵甲之戒令。

庶子，卿大夫士之子。車馬，兵甲，備軍發卒。

以國灋掌其政學。

政，謂賦稅也。學，修德學道。○政，音征。

以聽國司馬。

聽者，受行其所徵。○國司馬，大司馬之屬。○皆。

**家司馬**亦如之。

大夫家臣爲司馬者，春秋傳曰：叔孫氏之司馬。○慶氏。○慶子公反。○叔。

周禮卷三十三